



Broj: 13-11-4-3507/23
Sarajevo, 07.08.2023. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka) i člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), a na prijedlog Komisije za javne nabavke roba, radova i usluga, Općinski načelnik donosi

ODLUKU o izboru najpovoljnijeg ponuđača

I

Za najpovoljnijeg ponuđača za javnu nabavku usluga „Izrada investiciono-tehničke dokumentacije za uređenje pješačke staze u ul. Vilsonovo šetalište“, po provedenom otvorenom postupku javne nabavke izabran je slijedeći ponuđač:

INPROS d.o.o. Mostar
sa ukupnom cijenom od 12.854,79 KM
(slovima: dvanaesthiljadaosamstotinapedesetčetiri i 79/100 konvertibilnihmaraka)
sa uračunatim PDV-om.

II

Za izvršenje ove Odluke zadužuje se Služba za investicije i zaštitu okoliša.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 13-11-4-3507/23 od 11.05.2023. godine.

Procijenjena vrijednost javne nabavke sa PDV-om je: 15.000,00 KM (slovima: petnaesthiljada i 00/100 konvertibilnihmaraka).

Obavještenje o javnoj nabavci broj: 935-1-2-95-3-127/23 od 24.05.2023. godine u 12:16 sati poslano je na objavu na Portal javnih nabavki.

Komisija za javne nabavke roba, radova i usluga je imenovana Odlukom Općinskog načelnika o pokretanju postupka javne nabavke broj: 13-11-4-3507/23 od 11.05.2023. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 14.06.2023. godine, pristigle ponude slijedećih ponuđača:

Redni broj	Naziv i sjedište ponuđača	Ukupna ponuđena cijena sa PDV-om	Ponuđeni popust
1.	ROUTING d.o.o. Banja Luka	14.999,40 KM	0%
2.	INPROS d.o.o. Mostar	14.976,00 KM	0%
3.	GEOPUT d.o.o. Banja Luka	15.000,00 KM	0%

Iz Zapisnika o pregledu i ocjeni ponuda Komisije za javne nabavke roba, radova i usluga je vidljivo da je Komisija za javne nabavke roba, radova i usluga nakon pregleda i ocjene prispjelih ponuda, konstatovala slijedeće:

a) Prihvatljive ponude

Ponude ponuđača INPROS d.o.o. Mostar i GEOPUT d.o.o. Banja Luka su prihvatljive jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji. Komisija za javne nabavke roba, radova i usluga je izvršila analizu cijene ponude ponuđača INPROS d.o.o. Mostar, te konstatovala da ista sadrži računsku grešku. U skladu sa odredbama člana 9.5.1. tenderske dokumentacije ponuđaču INPROS d.o.o. Mostar je poslano obavještenje o ispravci računске greške, što je ponuđač prihvatio i dao svoju pismenu saglasnost za ispravku.

b) Nepravilna ponuda

Komisija za javne nabavke roba, radova i usluga je ponudu ponuđača ROUTING d.o.o. Banja Luka ocijenila nepravilnom jer Aneks 1 - Sadržaj ponude dostavljen na stranici ponude broj 7 nije sačinjen na način predviđen tenderskom dokumentacijom. Naime, dostavljeni dokument nije potpisan i ovjeren pečatom ponuđača, a kako je zahtijevano u tački 8.2. tenderske dokumentacije.

Iz naprijed navedenog razloga, ponuda ponuđača ROUTING d.o.o. Banja Luka se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Redni br. na rang listi	Naziv/ime ponuđača	Ukupna ponuđena cijena sa PDV-om
1.	INPROS d.o.o. Mostar	14.976,00 KM
2.	GEOPUT d.o.o. Banja Luka	15.000,00 KM

Ponude ponuđača INPROS d.o.o. Mostar i GEOPUT d.o.o. Banja Luka su unesene u sistem e-nabavki i zakazana je e-aukcija, koja je održana dana 04.07.2023. godine s početkom u 10:00 sati, i koja je trajala 10 (deset) minuta.

Ugovorni organ je od Agencije za javne nabavke zaprimio Izvještaj o toku i završetku e-aukcije i shodno kojoj je ponuđač INPROS d.o.o. Mostar ponudio najnižu cijenu koja nakon umanjenja od 14,16% (četnaestzarezšesnaestposto) iznosi 10.987,00 KM (slovima: deset hiljadadevetstotinaosamdesetsedam i 48/100 konvertibilnih maraka) bez uračunatog PDV-a.

Rangiranje prihvatljivih ponuda prema kriteriju za izbor ponude, nakon provedene e-aukcije je kako slijedi:

Red. br. na rang listi	Naziv/ime ponuđača	Ukupna ponudena cijena nakon provedene e-aukcije bez uračunatog PDV-a	Procentualno umanjenje cijene nakon provedene e-aukcije
1.	INPROS d.o.o. Mostar	10.987,00 KM	14,16%
2.	GEOPUT d.o.o. Banja Luka	11.000,51 KM	14,2%

Komisija za javne nabavke roba, radova i usluga je jednoglasno predložila Općinskom načelniku da donese Odluku o izboru najpovoljnijeg ponuđača INPROS d.o.o. Mostar, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu od 12.854,79 KM (slovima: dvanaesthiljadaosamstotinapedesetčetiri i 79/100 konvertibilnihmaraka) sa uračunatim PDV-om, te da se ponuđaču INPROS d.o.o. Mostar dodijeli ugovor.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisija za javne nabavke roba, radova i usluga. Naime, u postupku je ocijenjeno da je Komisija u svemu pravilno postupila, te da je Odluka donesena u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.


Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.



DOSTAVITI:

1. ROUTING d.o.o. Banja Luka
2. INPROS d.o.o. Mostar
3. GEOPUT d.o.o. Banja Luka
4. a/a

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 286, fax: (387 33) 492 145, email: javne.nabavke@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

